

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-15858/19
Sarajevo, 19.8.2019. godine

Na osnovu člana 68. stav (4) tačka h), člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usloga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usloga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke „Izvođenje radova na izgradnji oborinske kanalizacije u ulici Novopazarska do ulice Kenana Demirovića“, u konkurentskom postupku, broj obavještenja 422-7-3-211-3-102/19 objavljen na Portalu javnih nabavki BiH dana 26.7.2019. godine, obzirom da zaprimljene ponude nisu prihvatljive i ne ispunjavaju zahtjeve iz tenderske dokumentacije.

II

Zadužuje se Služba za zajedničke poslove da ovu Odluku objavljuje na web stranici Općine www.novigradsarajevo.ba, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-23-15858/19 od 25.7.2019. godine Općina Novi Grad Sarajevo pokrenula je postupak javne nabavke za izvođenje radova na izgradnji oborinske kanalizacije u ulici Novopazarska do ulice Kenana Demirovića, u konkurentskom postupku, broj obavještenja 422-7-3-211-3-102/19 objavljen na Portalu javnih nabavki BiH dana 26.7.2019. godine.

Zapisnikom o otvaranju ponuda od 08.8.2019. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: „Harysco“ d.o.o. Sarajevo i „Flex invest“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Flex invest“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz podtačke 3.4.1. 2) i 3) tehnička i profesionalna sposobnost: da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke i da ponuđač obezbijedi opremu neophodnu za obavljanje predmetnih radova. Uvidom u dostavljenu dokumentaciju „Flex invest“, d.o.o. Sarajevo utvrđeno je da ista ne sadrži dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera građevinske ili arhitektonske struke (original ili ovjerena kopija sa datumom izdavanja ne starijim od 30 dana), kao ni saobraćajne dozvole za kamione, niti upotrebne dozvole za radne mašine, sa zapisnikom koji dokazuje tražene karakteristike (original ili ovjerena kopija). Ponuđač je dostavio samo ugovor o

poslovno tehničkoj saradnji čiji je predmet iznajmljivanju opreme radi učešća na tenderu, bez dostavljanja naprijed isprava.

Iz naprijed navedenih razloga utvrđeno je, da -ponuđač „Flex invest“ d.o.o. Sarajevo ne ispunjava uslove tražene u tenderskoj dokumentaciji iz podtačke 3.4.1. 2) i 3) tehnička i profesionalna sposobnost, te je ponuda odbačena jer nije potpuna i ne ispunjava zahtjeve iz tenderske dokumentacije.

Komisija je utvrdila da ponuđač „Harysco“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz podtačke 3.4.1. 3) tehnička i profesionalna sposobnost: da ponuđač obezbijedi opremu neophodnu za obavljanje predmetnih radova. Uvidom u dostavljenu dokumentaciju „Harysco., d.o.o. Sarajevo utvrđeno je da ista ne sadrži zapisnike uz upotrebne dozvole kojima se dokazuju tražene karakteristike radnih mašina (original ili ovjerena kopija).

Iz naprijed navedenih razloga utvrđeno je da ponuđač „Harysco“ d.o.o. Sarajevo ne ispunjava uslove tražene u tenderskoj dokumentaciji iz podtačke 3.4.1. 3) tehnička i profesionalna sposobnost, te je ponuda odbačena jer nije potpuna i ne ispunjava zahtjeve iz tenderske dokumentacije.

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 68. stav (4) tačka h) i člana 69. stav (2) tačka d) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
mr. Neira Smajić Sahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić